



Ulloq: 23.April.2025

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

1. Naalakkersuisut Pituffimmi illersornissamut isumaqatigiissutip nutarterneqarnissaannut tunngasumik partiinnik oqaloqateqarnissamik suli pilersaaruteqarpat?

A) Taamaasimappat qaqugu pilersaarut ingerlanniarneqarpa?

(Inatsisartunut ilaasortaq, Mariane Paviassen Jensen, Inuit Ataqatigiit)

Tunngavilersuut:

Qinigaaffik kingulleq Inatsisartuni ilaasortatut ukiakkut 2023-imi imm.48-imi siunnersuuteqarpunga Naalakkersuisut Pituffiup atorneqarneranut nutaamik isumaqatigininniarnissamik naalagaaffimmut saaffigineqqullugit, Naalakkersuisut taamanikkut allannguutissatut siunnersuusiorput taasissutiginerani akuerineqartoq ima oqaasertalik: *"Illersornissaq pillugu isumaqatigiissutiniq nunatta iluaquteqarnerulernissaa qulakkeerniarlugu Naalakkersuisut Naalagaaffiup oqartussaasuinnut saaffigineqqullugit, sioqqullugulu Illersornissaq pillugu isumaqatigiissutiniq immikkoortut inuiaqatigiit aningaasaqarnerannut, suliffeqarnikkut, piginnaasatigit ilinniartitaanikkullu iluaqutaanerusumik aaqqinneqarsinnaasut suussusersiniarlugit partiinik oqaloqateqarneq aallarteqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut"*

Tamatumap kingorna partiit oqaloqatigineqarnerannik suli aallartitsisoqarsimagunangimmat paaserusunnarpoq suliaq pimoorullugu Naalakkersuisuniit suliarineqarnerisooq, pingaaruteqarluinnartumik inissisimanermi nunatsinnik nunat allat atuinerat sutigit iluaqutaanerusinnaaneri ulluinnarni inuiaat atugaannut qanoq pitsaanerusumik sunniuteqarsinnaanerinik anguniagaqarsinnaaneq ingerlanneqartariaqarpoq.

Kissaatigaara apeqququtikka ullut suliffiit qulit iluanni akineqassasut.